

0.0.1 vitakkasaṇṭhānasuttaṃ

1. evaṃ me suttaṃ: ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. tatra kho bhagavā bhikkhū āmantesi bhikkhavoti. bhaddanteti te bhikkhū bhagavato paccassosum. bhagavā etadavoca:

2. adhicittamanuyuttena bhikkhave bhikkhunā pañca nimittāni kālena kālaṃ manasikātabbāni. katamāni pañca?

3. idha bhikkhave bhikkhunā yaṃ nimittaṃ āgama yaṃ nimittaṃ manasikaroto uppajjanti pāpakā akusalā vitakkā chandūpasamhitāpi dosūpasamhitāpi mohūpasamhitāpi, tena bhikkhave bhikkhunā tamhā nimittā aññaṃ nimittaṃ manasikātabbaṃ kusālūpasamhitam. tassa tamhā nimittā aññaṃ nimittaṃ manasikaroto kusālūpasamhitam, ye pāpakā akusalā vitakkā chandūpasamhitāpi dosūpasamhitāpi mohūpasamhitāpi, te pahīyanti. te abbattham gacchanti. tesam pahānā ajjhattameva cittaṃ santiṭṭhati sannisīdati ekodi hoti¹, samādhīyati.

4. seyyathāpi bhikkhave dakkho palagaṇḍo vā palagaṇḍantevāsī vā sukhumāya āṇiyā olārikaṃ āṇiṃ abhinīhaneyya² abhinīhareyya abhinivajjeyya³ evameva kho

¹hosi - machasaṃ

²abhinīhaneyya - machasaṃ

³abhinivatteyya - machasaṃ

bhikkhave bhikkhuno yaṃ nimittam āgama yaṃ nimittam manasikaroto uppajjanti pāpakā akusalā vitakkā chandūpasamhitāpi dosūpasamhitāpi mohūpasamhitāpi, tena bhikkhave bhikkhunā tamhā nimittā aññaṃ nimittam manasikātabbam kusalūpasamhitam. ye pāpakā akusalā vitakkā chandūpasamhitāpi dosūpasamhitāpi mohūpasamhitāpi te pahīyanti. te abbattham gacchanti. tesam pahānā ajjhattameva cittaṃ santiṭṭhati sannisīdati ekodi hoti samādhīyati.

5. tassa ce bhikkhave bhikkhuno tamhā nimittā aññaṃ nimittam manasikaroto kusalūpasamhitam uppajjanteva pāpakā akusalā vitakkā chandūpasamhitāpi dosūpasamhitāpi mohūpasamhitāpi, tena bhikkhave bhikkhunā tesam vitakkānam ādīnavo upaparikkhitabbo: itipime vitakkā akusalā, itipime vitakkā sāvajjā, itipime vitakkā dukkhavipākāti. tassa tesam vitakkānam ādīnavam upaparikkhato ye pāpakā akusalā vitakkā chandūpasamhitāpi dosūpasamhitāpi mohūpasamhitāpi, te pahīyanti. te abbattham gacchanti, tesam pahānā ajjhattameva cittaṃ santiṭṭhati sannisīdati ekodi hoti samādhīyati.

6. seyyathāpi bhikkhave itthī vā vā puriso vā daharo yuvā maṇḍanakajātiko ahikuṇapena vā kukkurakuṇapena vā manussakuṇapena vā kaṇṭhe āsattena aṭṭiyeyya harāyeyya jiguccheyya, evameva kho bhikkhave tassa ce bhikkhuno tamhāpi⁴ nimittā aññaṃ nimittam

⁴tamhā va - syā

manasikaroto kusalūpasamhitam uppajjanteva pāpakā akusalā vitakkā chandūpasamhitāpi dosūpasamhitāpi mohūpasamhitāpi, tena bhikkhave bhikkhunā tesam vitakkānam ādinavo upaparikkhitabbo: itipime vitakkā akusalā, itipime vitakkā sāvajjā, itipime vitakkā dukkhavipākāti. tassa tesam vitakkānam ādinavam upaparikkhato ye pāpakā akusalā vitakkā chandūpasamhitāpi dosūpasamhitāpi mohūpasamhitāpi, te pahīyanti. te abbhattham gacchanti tesam pahānā ajjhattameva cittaṃ santiṭṭhati sannisīdati ekodi hoti samādhīyati.

7. tassa ce bhikkhave bhikkhuno tesam⁵ vitakkānam ādinavam upaparikkhato uppajjanteva pāpakā akusalā vitakkā chandūpasamhitāpi dosūpasamhitāpi mohūpasamhitāpi, tena bhikkhave bhikkhunā tesam⁶ vitakkānam asati amanasikāro āpajjitabbo. tassa tesam vitakkānam asati amanasikāram āpajjato ye pāpakā akusalā vitakkā chandūpasamhitāpi dosūpasamhitāpi mohūpasamhitāpi, te pahīyanti. te abbhattham gacchanti. tesam pahānā ajjhattameva cittaṃ santiṭṭhati sannisīdati ekodi hoti samādhīyati.

8. seyyathāpi bhikkhave cakkhumā puriso āpāthagatānam rūpānam adassanakāmo assa, so nimīleyya⁷ vā aññena vā apalokeyya. evameva kho bhikkhave tassa ce bhikkhuno tesampi vitakkānam ādinavam upaparikkhato uppajjanteva pāpakā akusalā vitakkā chan-

⁵tesampi - machasam

⁶tesam yeva avi

⁷nimmīleyyā - syā

dūpasamhitāpi dosūpasamhitāpi mohūpasamhitāpi, tena bhikkhave bhikkhunā tesam vitakkānaṃ asati amanasikāro āpajjitabbo. tassa tesam vitakkānaṃ asati amanasikāraṃ āpajjato ye pāpakā akusalā vitakkā chandūpasamhitāpi dosūpasamhitāpi mohūpasamhitāpi

9. tassa ce bhikkhave bhikkhuno tesampi vitakkānaṃ asati amanasikāraṃ āpajjato uppajjanteva pāpakā akusalā vitakkā chandūpasamhitāpi dosūpasamhitāpi mohūpasamhitāpi, tena bhikkhave bhikkhunā tesam vitakkānaṃ vitakkasaṅkhārasaṅghānaṃ⁸ manasi kātabbaṃ tassa tesam vitakkānaṃ vitakkasaṅkhārasaṅghānaṃ manasikaroto ye pāpakā akusalā vitakkā chandūpasamhitāpi dosūpasamhitāpi mohūpasamhitāpi, te pahīyanti te abbattham gacchanti. tesam pahānā ajjhattameva cittaṃ santiṭṭhati sannisīdati ekodi hoti samādhīyati.

10. seyyathāpi bhikkhave puriso sīghaṃ gaccheyya, tassa evamassa: kinnu kho ahaṃ sīghaṃ gacchāmi, yannūnāhaṃ saṇikaṃ gaccheyyanti. so saṇikaṃ gaccheyya. tassa evamassa: kinnu kho ahaṃ saṇikaṃ gacchāmi, yannūnāhaṃ tiṭṭheyyanti. so tiṭṭheyya. tassa evamassa: kinnu kho ahaṃ ṭhito yannūnāhaṃ nisideyyanti.,so nisideyya. tassa evamassa: kinnu kho ahaṃ nisinno, yannūnāhaṃ nipajjeyyanti. so nipajjeyya. evaṃ hi so bhikkhave puriso oḷārikaṃ oḷārikaṃ

⁸vitakka saṅkhāra santhānaṃ - syā. aṭṭhakathā 'tena bhikkhave -pe- mohūpasamhitāpi' pāṭhoyaṃ marammachatṭhasaṅgītipiṭakapothhake na dissate

iriyāpathaṃ abhinivajjetvā⁹ sukhumaṃ sukhumaṃ iriyāpathaṃ kappeyya. evameva kho bhikkhave tassa ce bhikkhuno tesampi vitakkānaṃ asati amanasikāraṃ āpajjato uppajjanteva pāpakā akusalā vitakkā chandūpasamaṃhitāpi dosūpasamaṃhitāpi mohūpasamaṃhitāpi, tena bhikkhave bhikkhunā tesam vitakkānaṃ vitakkasaṅkhārasaṅṭhānaṃ manasikātabbaṃ. tassa tesam vitakkānaṃ vitakkasaṅkhārasaṅṭhānaṃ manasikaroto ye pāpakā akusalā vitakkā chandūpasamaṃhitāpi dosūpasamaṃhitāpi mohūpasamaṃhitāpi, te pahīyanti te abbhataṃ gacchanti. tesam pahānā ajjhataṃ eva cittaṃ santiṭṭhati sannisīdati ekodi hoti samādhīyati.

11. tassa ce bhikkhave bhikkhuno tesampi vitakkānaṃ vitakkasaṅkhārasaṅṭhānaṃ manasikaroto uppajjanteva pāpakā akusalā vitakkā chandūpasamaṃhitāpi dosūpasamaṃhitāpi mohūpasamaṃhitāpi, tena bhikkhave bhikkhunā dante'bhidantaṃ ādhāya¹⁰ jivhāya tāluṃ āhacca cetasā cittaṃ abhiniggaṇhitabbaṃ abhinippīletabbaṃ abhisantāpetabbaṃ. tassa dante'bhidantaṃ ādhāya jivhāya tāluṃ āhacca cetasā cittaṃ abhiniggaṇhato abhinippīlayato abhisantāpayato ye pāpakā akusalā vitakkā chandūpasamaṃhitāpi dosūpasamaṃhitāpi mohūpasamaṃhitāpi, te pahīyanti. te abbhataṃ gacchanti. tesam pahānā ajjhataṃ eva cittaṃ santiṭṭhati sannisīdati ekodi hoti samādhīyati.

⁹ abhinissajjetvā - syā

¹⁰ dantehi dantaṃ ādhāya, bahusu. dante + abhidantaṃ + ādhāyāti ṭikāyaṃ padaच्छedo. dantehi panettha karaṇattho vutto viya dissati - machasaṃ. dante'bhidantaṃ ādhāyāti heṭṭhā dante uparidantaṃ ṭhapetvā aṭṭhakathā -siridhammārāma suddhi

12. seyyathāpi bhikkhave balavā puriso dubbalata-
 raṃ purisaṃ sīsevā gahetvā khandhe vā gahetvā abhi-
 niggaṇheyya abhinippīleyya abhisantāpeyya, evameva
 kho bhikkhave tassa ce bhikkhuno tesampi vitakkā-
 naṃ vitakkasaṅkhārasaṅghānaṃ manasikaroto uppaj-
 janteva pāpakā akusalā vitakkā chandūpasamhitāpi
 dosūpasamhitāpi mohūpasamhitāpi, tena bhikkhave
 bhikkhunā dante'bhidantamādhāya jivhāya tāluṃ āhacca
 cetasā cittaṃ abhiniggaṇhato abhinippīlayato abhisan-
 tāpayato ye pāpakā akusalā vitakkā chandūpasamhi-
 tāpi dosūpasamhitāpi mohūpasamhitāpi, te pahīyanti.
 te abbhaththaṃ gacchanti. tesam pahānā ajjhattameva
 cittaṃ santiṭṭhati sannisīdati ekodi hoti samādhīyati.

13. yato kho bhikkhave bhikkhuno yaṃ nimittaṃ āgama
 yaṃ nimittaṃ manasikaroto uppajjanti pāpakā aku-
 salā vitakkā chandūpasamhitāpi dosūpasamhitāpi mo-
 hūpasamhitāpi, tassa tamhā nimittā aññaṃ nimittaṃ
 manasikaroto kusalūpasamhitam ye pāpakā akusalā
 vitakkā chandūpasamhitāpi dosūpasamhitāpi mohūpa-
 samhitāpi te pahīyanti. te abbhaththaṃ gacchanti. te-
 sam pahānā ajjhattameva cittaṃ santiṭṭhati sannisī-
 datī ekodi hoti samādhīyati.

14. tesampi vitakkānaṃ ādīnavam upaparikkhato ye
 pāpakā akusalā vitakkā chandūpasamhitāpi dosūpa-
 samhitāpi mohūpasamhitāpi te pahīyanti. te abbhath-
 thaṃ gacchanti tesam pahānā ajjhattameva cittaṃ san-
 tiṭṭhati sannisīdati ekodi hoti samādhīyati.

15. tesampi vitakkānaṃ asati amanasikāraṃ āpajjato ye pāpakā akusalā vitakkā chandūpasamhitāpi dosūpasamhitāpi mohūpasamhitāpi te pahīyanti. te abbhatthaṃ gacchanti tesam pahānā ajjhattameva cittaṃ santiṭṭhati sannisīdati ekodi hoti samādhīyati.

16. tesampi vitakkānaṃ vitakkasaṅkhārasanthānaṃ manasikaroto ye pāpakā akusalā vitakkā chandūpasamhitāpi dosūpasamhitāpi mohūpasamhitāpi te pahīyanti. te abbhatthaṃ gacchanti tesam pahānā ajjhattameva cittaṃ santiṭṭhati sannisīdati ekodi hoti samādhīyati.

17. dante'bhidantamādhāya¹¹ jivahāya tāluṃ āhacca cetasā cittaṃ abhiniggaṇhato abhinippīlayato abhisantāpayato ye pāpakā akusalā vitakkā chandūpasamhitāpi dosūpasamhitāpi mohūpasamhitāpi te pahīyanti. te abbhatthaṃ gacchanti tesam pahānā ajjhattameva cittaṃ santiṭṭhati sannisīdati ekodi hoti samādhīyati.

18. ayaṃ vuccati bhikkhave bhikkhu vasī vitakkapariyāyapathesu: yaṃ vitakkaṃ ākaṅkhissati taṃ vitakkaṃ vitakkessati, yaṃ vitakkaṃ nākaṅkhissati na taṃ vitakkaṃ vitakkessati, acchecchi taṇhaṃ, vāvattayi¹² saṃyojanaṃ, sammā mānābhisamayā antamakāsi dukkhassāti.

¹¹ dantehi dantamādhāya - syā, machasaṃ

¹² vivantayi - machasaṃ

19. idamavoca bhagavā. attamanā te bhikkhū bhagavato bhāsitam abhinanduntī.